

6. Kand: (rout)
Déi rout Faarf am Fändel steet fir de Buedem, op deem d'Mënschen a Bolivien liewen. Am Buedem planzen si alles, wat si fir ze liewe brauchen.

7. Kand: (mof)
Déi mof Faarf am Fändel steet fir d'Rou a fir d'Nodenken. Wann een a Rou iwwer eppes nodenkt, fënnt een oft eng Léisung an et kann ee Sträit vermeiden.

6. Kand:(blo)
Déi blo Faarf am Fändel erënnert un den Himmel an un d'Waasser. Si ass en d'Zeeche fir d'Liewen vu Mënschen, Planzen an Déieren a Bolivien.

Erwuessenen:

Esou gesäit also d'Wiphala aus. Hir vill verschidde Faarwen weisen eppes vu Bolivien a sti gläichzäiteg fir déi vill verschidde Mënschen, déi hei zesumme liewen. E respektvollen Emgang ee mat deem aneren ass de Bolivianer ganz wichteg. Esou sinn si, trotz hire Verschiddenheeten, ee Vollek, esou wéi déi verschidde Faarwen ee Fändel bilden.

11. Fürbitten

(Paschtouer & 4 Kanner)

Paschtouer:

Härgott, deng Léift zu äis kennt keng Grenzen. Am Vertrauen op dech komme mir elo mat eisen Uleies bei dech a bidden:

8. Kand:
Mir biede fir d'Kanner a Bolivien an op der ganzer Welt.

Hëllef, datt si ëmmer mat Respekt behandelt ginn.

Härgott, héier äis.

9. Kand:
Mir biede fir déi Mënschen, déi ausgestouss ginn.

Schenk du hinne Kraaft a Courage. Härgott, héier äis.

10. Kand:
Mir biede fir all Kanner, déi aarm sinn an Honger leiden.

Looss si Mënsche begéinen, déi hinnen hëllef.

Härgott, héier äis.

11. Kand: Mir bréngen elo de Kuerf mat de Suën, déi mir mat de Kanner a Bolivien deelen. Mir biede fir äis selwer.

Hëllef äis, datt mir och weiderhinn gären deelen mat deene Mënschen, déi an Nout sinn. Härgott, héier äis.

Paschtouer:

Du Gott vun der Léift, du kenns eis Suergen an eis Uleies. Lauschter op dës Gebieder an op alles dat, wat mir an eisem Häerz droen. Dat biede mir dech, duerch de Jesus, eise Brudder an eise Frënd. Amen.

12. Gabenbereitung:

Sing and pray

13. Eucharistie-Feier

Sanctus:
Santo es el Señor

Friddensgrouss:
Shalom

Kommioun:
INSTRUMENTER

14. Schlussgebiet

Papp am Himmel, de Jesus huet äis geléiert, wat et heescht respektvoll matenaner ëmzegoen.

Looss äis ëmmer op säi Beispill kucken, fir datt mir een deen aneren respektéieren.

Begleet du äis mat denger Léift an dengem Seegen.

Dat biede mir dech, fir haut a fir all Dag vun eisem Liewen, bis an Éiwegkeet. Amen.

15. Schlusslidd:

Mit einem Freund an der Seite

16. Seegen

Mass ass ausgeschafft gin vun der Kannerpastoral-Equipe aus dem Parverband Mamerdall .

Proposition fir eng Kanner- a Familjemass zum Kannermissiounssondeg

Material:

Beamer mat Adapter / Leinwand / Laptop mat PPS (Biller a Lidder)/ Kierf fir d'Spuerbéchen / Dicher a verschidde Faarwen (wäiss, giel, gréng, blo, rout, mof, orange)

Programm:

1. Ufankslidd: Kinder helfen Kindern
2. Kräizzeechen a lit. Begréissung
3. Aleedung (2 Erwuessener & 5 Kanner)
4. Boussakt (1 Erwuessenen) Lasst uns beten mit Jesus
5. Gloria: Gloria in excelsis Deo
6. Dagesgebiet
7. Erzielung «Viertelland» (1 Erwuessenen)
8. Tëschegeank: Halle, Halle, Hal-leluja
9. Evangelium: Mt 25, 31-40
10. Kommentar (1 Erwuessenen & 9 Kanner - 2 fir ze liesen, 7 fir ze weisen)
11. Fürbitten (Paschtouer & 4 Kanner)
12. Gabenbereitung: Sing and pray
13. Eucharistie-Feier
Sanctus: Santo es el Señor
Friddensgrouss: Shalom
Kommioun: INSTRUMENTER
14. Schlussgebiet
15. Schlusslidd: Mit einem Freund an der Seite
16. Seegen

1. Ufankslidd:

Kinder helfen Kindern

2. Kräizzeechen a lit. Begréissung

3. Aleedung

(2 Erwuessener & 5 Kanner)

Rollespill: 2 Kanner stelle sech virun den Altar

1. Kand:
So, haut an der Schoul huet eis Joffer zum Daniel gesot:

Du kéins e bësse méi Respekt virun deenen anere Kanner hunn!

Weess du wat dat heescht «Respekt»?

2. Kand:
Respekt? Nee, dat hunn ech nach nie héieren!

1. Kand:
Da komm mir froë mol déi Erwuessenen.
Déi kënnen äis dat bestëmmt erklären!

Déi 2 Kanner gi sech sëtzen; 2 Erwuessener komme bei de Mikro.

Bei all Saz gëtt op der Leinwand e Buschtaf vun dem Wuert «Respekt» an dozou e Stëchwuert, wat mat deem Buschtaf ugeet, ageblend.

1. Erwuessenen (R - Rücksicht huelen):
Respekt huet eppes mat Rücksicht ze dinn. Mir sollen een op deen

aneren oppassen, kengem eppes futti maachen, léif sinn an déi méi Schwaach besonnesch beschützen.

2. Erwuessenen (E - Ee fir deen aneren do sinn):

Respekt heescht och ee fir deen aneren do sinn. Et bedeit deenen ze hëllef, déi an Nout sinn an net ewech ze kucken wa mir gesinn, datt een Hëllef brauch.

1. Erwuessenen (S - Sech ëm anerer këmmen):

Respekt bedeit awer och sech ëm déi aner ze këmmen. Et ass wichteg keen am Stach ze loossen, eng Hand unzepaaken a sech ëm déi ze këmmen, déi alleng net eens ginn.

2. Erwuessenen (P - Plaz fir jidferen):

Déi aner respektéieren heescht, jidferengem eng Plaz ze ginn. All Mënschen, egal wéi si ausgesinn, an egal vu wou si kommen, hunn d'Recht an eiser Mëtt opgeholl ze ginn.

1. Erwuessenen (E - Éierlech sinn):
Respekt hu virun deem aneren huet eppes mat éierlech sinn ze dinn. Mir respektéieren déi aner Mënschen, wa mir éierlech mat hinne sinn, wa mir also d'Wourecht soen an net léien.

2. Erwuessenen (K - Keen ausstoussen):

Et ass en Zeeche vu Respekt, wa mir keen ausstoussen. Wa mir déi aner unhuelen, esou wéi si sinn, dann handele mir respektvoll vis-à-vis vun deenen aneren.

1. Erwuessenen (T - Tolerant sinn):

Respekt hunn bedeit dann och tolerant ze sinn. An tolerant sinn heescht, déi aner Mënschen unzehuelen, esou wéi si sinn an dat och wa si anescht si wéi mir selwer.

Rollespill geet weider: 2 Kanner stelle sech erëm virun den Altor.

2. Kand: Dat Wuert Respekt huet jo wierklech vill Bedeitungen!

1. Kand: Bestëmmt faalen de Kanner hei an der Kierch elo Beispiller an, wéi ee méi Respekt kann hunn.

3 Kanner komme bei de Mikro.

3. Kand: Fir mech heescht «Respekt»: Mënschen, déi anescht si wéi ech selwer, déi anescht schwätzen oder anescht ugedoë sinn, net auslaachen.

4. Kand: Fir mech heescht «Respekt»: Fein matenee sinn, déi aner ausschwätze loosse, nolauschteren a manéierlech matenee emgoen.

5. Kand: Fir mech heescht «Respekt»: Déi aner Kanner beim Spillen net ausschléissen, mee jidferree matspille loosse.

4. Boussakt (1 Erwuessenen)

Marie-Rose:

Mir hunn elo vill iwwer Respekt héieren! Mir mierken elo, datt Respekt eppes ganz Wichteges am Liewen ass. Mir sollen déi aner Mënsche respektéieren. Mee mir mierken och, datt dat guer net ëmmer esou einfach ass. Muenchmol bréngt mir et net fäerdeg a respektéieren déi aner net! Fir déi Kéieren wëlle mir elo am Lidd «Lasst uns beten mit Jesus», em Verzeiung froen.

Lidd: Lasst uns beten mit Jesus (Nr. 82)

Paschtouer:

Den Härgott soll sech eiser erbaarmen, hie soll äis eis Sënde verzeien an äis féieren an d'eiwegt Liewen. Amen.

5. Gloria:

Gloria in excelsis Deo (Nr. 5)

6. Dagesgebiet

Gudde Gott,
a Jesus Christus bass du Mënsch ginn, fir äis deng Léift ganz no ze bréngen.

De Jesus war besonnesch fir déi Mënschen do, déi ausgestouss a veruecht waren.

Hëllef äis, sengem Beispill nozegoen an alle Mënsche mat Respekt ze begéinen.

Dorëms biede mir dech, duerch de Jesus, eise Brudder an eisen Här. Amen.

7. Erzielung «Viertelland»

(Kuerzform vun enger Erzielung vum Gina Ruck-Pauquet) (1 Erwuessenen)

Et war emol e Land, dat war ronn wéi eng Pizza.

An et war och a 4 Stécker agedeelt wéi eng Pizza.

Dat Land heescht «Viertelland».

An all Deel liewe Mënschen. Héich Maueren trennen si vunenaner.

An engem Véirel ass alles gréng: d'Heiser, d'Stroossen, d'Luuchten, d'Kanner an déi Erwuessen.

D'Kanner léieren: nëmme gréng ass richtig!

Si spille gréng Spiller, si denke gréng a si dreeme gréng.

Am zweete Véirel ass alles rout: d'Beem, d'Telefonen, d'Kéi, d'Kanner an déi Erwuessen.

An desem Deel ass just erlaabt, wat rout ass.

Selwecht ass et am 3. Deel, wou alles giel ass.

An och am 4. Deel, just datt hei alles blo ass.

Wann d'Kanner op d'Welt komme, sinn si ganz faarweg.

Mee hir Elteren kucken si dann mat hire grénge, roude, gielen oder bloen Aan un

an heemelen si mat hire grénge, rouden, gielen oder bloen Hänn, bis si nach just eng eenzeg Faarf hunn: déi richtig Faarf!

Enges Dags kënn am gréngen Deel e kleng Jong op d'Welt.

Si nennen hien Ierbëss.

Bei him ass eppes anescht.

Well och no engem Joer ass den Ierbëss nach ëmmer bësse faarweg.

Mee schlussendlech ass et dann esouwäit, datt och hien ganz gréng ass.

Enges Dags awer, mëcht den Ierbëss am grénge Land eng komesch Entdeckung.

Eng rout Blumm wiest aus der Mauer.

Virsihteg geet hie méi no bäi a peckt déi komesch Blumm un.

Do mierkt hien op emol, wéi hien sech verännert.

Iwerall kritt hien rout Flecken.

D'Mauer, déi lo grad nach virun him stoung, ass op emol verschwonnen.

Den Ierbëss a seng gréng Frënn gi lues op déi aner Säit an de rouden Deel.

Do stinn déi rout Kanner a kucke si grous un.

Mee si sinn net béis, si schloen déi Gréng och net, si sinn net anescht wéi si!

Déi gréng an déi rout Kanner huele sech mat der Hand a fänken u mat danzen.

Do brieche och déi aner Mauren auseneen.

Esou kommen och déi Giel an déi Blo an danze mat deenen Aneren.

An do gëtt et op emol an all Deel Mënsche vun all Faarf.

Si denken, fillen an dreemen och elo an alle Faarwen.

Jidferree versteet deen aneren.

A vun deem Dag un, liewe si all zesummen glécklech an engem Land!

8. Tëschegeank:

Halle, Halle, Halleluja

9. Evangelium:

Mt 25, 31-40

Wenn der Menschensohn in seiner Herrlichkeit kommt und alle Engel mit ihm, dann wird er sich auf den Thron seiner Herrlichkeit setzen. Und alle Völker werden vor ihm zusammengerufen werden und er wird sie voneinander scheiden, wie der Hirt die Schafe von den Böcken scheidet. Er wird die Schafe zu seiner Rechten versammeln, die Böcke aber zur Linken. Dann wird der König denen auf der rechten Seite sagen: Kommt her, die ihr von meinem Vater gesegnet seid, nehmt das Reich in Besitz, das seit der Erschaffung der Welt für euch bestimmt ist. Denn ich war hungrig und ihr habt mir zu essen gegeben; ich war durstig und ihr habt mir zu trinken gegeben; ich war fremd und obdachlos und ihr habt mich aufgenommen; ich war krank und ihr habt mich besucht; ich war im Gefängnis und ihr seid zu mir gekommen. Dann werden ihm die Gerechten antworten: Herr, wann haben wir dich hungrig gesehen und dir zu essen gegeben, oder durstig und dir zu trinken gegeben? Und wann haben wir dich fremd und obdachlos gesehen und aufgenommen, oder nackt und dir Kleidung gegeben? Und wann haben wir dich krank oder im Gefängnis gesehen und sind zu dir gekommen? Darauf wird der König ihnen antworten: Amen, ich sage euch: Was ihr für einen meiner geringsten Brüder getan habt, das habt ihr mir getan.

10. Kommentar

(1 Erwuessenen & 9 Kanner)

Erwuessenen:

Am Text aus der Bibel, dee mir lo grad héieren hunn, seet de Jesus: «Alles wat dir fir déi aner Mënsche maacht, dat maacht dir fir mech!» Wa mir also respektvoll matenee emginn, hu mir och Respekt virum Jesus! Datt Respekt ganz wichtig ass, hu mir schonns am Ufank vun der Mass héieren. Haut geet et awer net nëmme em äis. Mir léieren elo e Land kennen, an deem Respekt eng ganz wichtig Roll spillt. Et ass BOLIVIEN.

Landkaart um Ecran ablen- den

Bolivien läit a Südamerika, wäit ewech vu Lëtzebuerg. Et huet eigentlech 2 grous Deeler. Een Deel ass den Dall; do ass tropesche Reebësch an et liewen net vill Mënschen do. Deen aneren Deel ass d'Héichland, wat tëschent de Bierger, den Anden, läit. Hei wunnen déi meeschte Leit vum Land.

D'Natur ass wonnerschéin a Bolivien. Dat bekanntest Déier ass d'Lama (Bild mat Lamas ablen den). Si ginn och als Hausdéiere gehaalen an aus hirem Pelz gëtt Woll gemaach fir warm Kleeder ze strécken.

Déi meescht Mënschen sinn net esou gutt drun, wéi mir hei zu Lëtzebuerg. Vill Mënsche sinn aarm a vill Kanner musse schaffe goen (Bild mat Kanner ablen den).

Dir frot iech elo bestëmmt: Wat huet dat alles mat Respekt ze dinn? Firwat ass Respekt grad a Bolivien esou wichtig? Ma dat ass ganz einfach: D'Mënschen, déi a Bolivien liewen, si ganz ënnerschiddlech. Si schwätze verschidde Sproochen. Et si 36 verschidde Gruppe vu Mënschen, déi hei liewen. Si respektéieren sech een deen aneren a liewe friddlech zesummen, obwuel si ganz ënnerschiddlech sinn. Ouni Respekt wier

dat net méiglech. Si respektéieren een deem anere seng Kultur, seng Sprooch a seng Traditionen. Esou ass et méiglech, datt vill verschidde Mënschen an engem Land zesumme liewen.

E bësse kann ee Bolivien mam Viertelland vergläichen, wou d'Mënschen um Enn och verstaanen hunn, datt si zesumme liewe kënnen, och wa si ganz ënnerschiddlech sinn. Dës Verschiddenheet weist sech och an engem vun de Fändele vu Bolivien. Et gëtt zwee Fändelen, an een dovunner heescht «Wiphala» a weist mat senger verschidde Faarwen wéi ënnerschiddlech d'Mënschen a Bolivien sinn a wéi si dach zesummegehéieren. Dese Fändel wëlle mir äis elo mol méi genee ukucken an erkläre loosse.

2 Kanner liesen ofwiesselnd d'Erklärungen, 1 Kand bréngt bei all Faarf en Duch an där Faarf, wat nom Lie- sen un den Altor gehaange gëtt. Um Ecran gëtt no an no de Fändel zesummege- sat.

6. Kand: (wäiss)
Déi wäiss Faarf am Fändel steet fir d'Liicht. Si erënnert drun, wéi schéin et ass, wann d'Mënschen am Fridden zesumme liewen.

7. Kand:(gréng)
Déi gréng Faarf am Fändel steet fir d'Natur. D'Schéinheet an de Rächtum vun der Natur a Bolivien si wéi e Schatz vun dësem Land.

6. Kand: (giel)
Déi giel Faarf am Fändel erënnert un d'Sonn, déi Kraaft an Energie schenkt. Dës brauchen d'Mënschen a Bolivien, fir gutt zesummen ze liewen.

7. Kand: (orange)
Déi orange Faarf am Fändel steet fir d'Liewensfreed. Si erënnert drun, wéi wichtig et ass a Freed zesummen ze sinn.